

АССАЛАМ

www.assalam.ru

НА ЛАКСКОМ ЯЗЫКЕ

БУСУРМАННАЛ РУВХІАНИЙССА ККАЗИТ

№ 4 (76) апрель 2008 -шин / ККАЗИТ БУККАЙССАР ЗУРУЙ ЦАЛ/ Рабиоль-ахир 1429 г. Багъа 15къ.

АЪЛИМТАЛ — ДИНЧИТАЛ

Сайпуллагъ-къади — тарикъатрал щайх



Ас-Салам-фото

Увссар Сайпуллагъ-къади интту 1853-ку шинал Гъази-гъумучиял округрайсса НицлавкӀуллал шяраву МухӀаммад Идавсил ﷺ наслулийх нанисса, мунил душнил Фатимал арс ХӀусайннул гъану бивзусса къурайштурал тухумрал къяртталиясса Аслан ХӀусайннул кулпатраву. «Башилавхъул» — тамашасса лакрал тухумрал ца... Чари му ляличишиву?

Арула буттауссу ивкӀун ур Сайпуллагъул. Ппу ХӀусайн Батумрай заргалшивугу унгу-унгуну лархъхъун ГъунчӀукъатӀрал ШтанчахъачӀа Асттарханнай мусил усттарну зий ивкӀун ур. Вай буттауссурваравасса ца — Гъазали оърмулухун щарнил юзбашину ивкӀун ур, вайннал тухумрайнгу «юзбашихъул», «башилавхъул», «башларовхъул», — тий, юзбаши тӀисса махъ чӀумул баххана бувну Башларовхъайн бувкӀун бур. Сайпуллагъу оърчишиврул

чӀун чӀирисса, аькӀу бусса, буттауссурвал куна куртӀисса аькӀулул гъану цаькӀисса, чӀивисса унугу буттауссурвараяр махъун къаагъанна тӀисса, ляличӀийну хъхъичӀунмай хъита тӀисса аькӀулул заллу ивкӀун ур. Маз лахъхъайхту Къуръан лахълай авчун ур, ряхра шинаву ниттил лахъхъин бувну Къуръан ва мактабалу-ву лахъхъин баймур лавхъхъун бур. Ххирасса бивкӀун бур оърчӀан буттауссурвал цаява ца дуллай.

» 4

Дагъустаннал муфтийнал баян баву

Аллагънал цӀаницал рахӀму-цӀимилийсса.

Ассаламу аьлайкум, ххирасса уссурвал ва ссурвал!

Гъарица духӀиндарал, аькӀулул щаллусса ва балугъравун увхсса бусурманчувнал ва гъарица бусурмандушнил буржри исламрал кӀулшивуртту ласлан ва цала оърчӀан исламрал динийсса кӀулшивуртту лахъхъин дуллан. Мукун чара бакъа лахъхъин аьркинсса кӀулшивуртта-вух дуссар имандалул (Аллагънайн вих шаврил) ряхра рукну, Исламрал ххюра гъанулул ттарцӀру; ихӀсан (тасаввуф) яъни дакӀ оьккимунница марцӀ дурну мяърипат ххуй даврил элму лахъхъаву; шагъадатрал мяъна-мурад кӀулшиву; чаклил ва зума дугъаврил чара бакъасса шартӀру кӀулшиву; каши дунан-закатрал ва хӀаж баврил мухӀлу-хӀин кӀулшиву; Аллагънал гъан бувсса малаиктурайн вихну бикӀан аьркиншивриясса кӀулшивуртту; Аллагъная ливксса луттирдайн, мукунма Идавстурайн вих шаврил кӀулшивуртту: МухӀаммад Идавсил ﷺ оърмулия кӀулшивуртту куртӀ дуваву ва Мунал ппухъруннал, оърчӀал, хъаннил цӀарду лахъхъаву; Къиямасса Къинилийнсса вихшала дакӀурдиву цаьк даву; оькки-ххуймунил дазу кӀулну къуццу тӀутӀаву; мукунма маз, яру, вичлив, кару, ччанну, аьврат багъана хъуну бунагъралун агъанмур къабаву, лацӀинсса тӀуллая урувччуну икӀаву.

Ми динийсса кӀулшивуртту ласлан ва цаьк дуллан буржлув-ссар «цинъав бусурман, му иширал цӀаний Китайнавун гъан багъарчагума» ва хӀажлив лавгссаксса харжи буккан буварчагу.

Инсаннал динийсса кӀулшивуртту цуксса куртӀисса дурив, муксса цаьк хъанахъиссар мунал иман, камил хъанахъиссар аькӀу, ххи хъанахъиссар дакӀиву Аллагъу Тааьланайнсса вихшала ва исламрал нурданул чанна бантӀиссар мунал оърму.

Кабакъиннав Аллагъу-Тааьланал исламрал кӀулшивуртту ласлан ччиминнацӀун ва хъин-хъинсса давурттив дуллан дакӀинийминнацӀун!



Исламрал дарсру дихълан багъантӀиссар

Исламрал культуралул, элмулул ва кӀулшиву дулаврил давурттацӀун кабакъу буллалисса Фондрал заседаниялий гъуртушинна дурсса Дагъустаннал Президент МухӀу Аьлиевлул кӀицӀ лавгунни цува буруккинттаравун утлай ушиву школардай ва армиялий ххачпарас диндалух къулагъас ххи дуллай бушиврул.

Ми кӀирагу цӀушинналул цува кӀихӀулла хъун уллалаврил сававртту дурчӀин дуллай, армиялий кашитурал бияла, роль агъамну ккаклакаврил масъала гъаз бувавийн Дагъустаннал бакӀчинал



увкунни: «Гъар шинах жула республикалия 17 азара жагъил лагайссар къуллугъ буллан Аьрасатнал армиялийн, Федерациялул махъми субъектирдах бурувгун, ми хъинну чӀявуссар. Минналмур иштагъар цукунсса диклантӀиссар?»

Диндалул дарсру школардайдиша-къадишаврил хӀакъира-вугу Президентнал увкунни: «Дагъустаннал школардай диндалул дарсругу цукунни дихълантӀисса?»

» 2

Ва номерданий:

2

ЦӀУССА ХАВАРДУ

Лаккуйгу мавлидру



3

ИСЛАМРАЛ ЭЛМУ

Чичинну суфийтурая...



6

ИДАВСТУРАЛ ОЪРМУРДАЯ

МухӀаммад Идавсил ﷺ оърмулиясса суаллу



7

ИСЛАМРАЛ ХХУЛАУ

Аьраб маз къакӀулшиврий хӀайп тӀий ивкӀра



ЦИУССА ХАВАРДУ

ЧиркАйливсса барачатрал мавлид

Рашид ХИАЖИЕВ

Март зурул 29-нний Буйнакскаллал райондалийсса ЧиркАйлиннал шяраву хьунни барачатрал мавлид. Укунсса мавлидру дуваву Рабиоэл-аввалъ зуруй ЧиркАйлив аьдатравун дагьунни ва шиная шинайн хьун хьанай дур ми мавлидирттай гьуртту хьанакхьиминнал аьдад. Гьашину чявусса бувкун бия члаххурайсса районная бакъа, архсса зунттал шяраваллавагу. Мавлидрал сий хьун дурна микку бусравсса цайхтал ЧиркАйлиннал Саид-апанни, Кьакьамациял Аьбдулвахид-апанни ва Клулацматусса Аьли-апанни гьуртту шаврилгу.

Мавлидрайн бавтцириннал хьхьичи ихтиллатру бувну Дагьусттаннал



аьлимтурал Советрал председателъ Арсланаьли-хьажи Хьамзатовулл, муфтийнал хьиривчу Ахьмад-хьажи Махьаммадовулл, ДУМД-рал канонический отделданул хьунама Мухьаммад-хьажи Мухьаммадовулл, муфтийнал кумагчи Мухьаммадвакиль Султанмухьаммадовулл, «Сафар» мизитрал имам Мухьаммадхьанани Хьамзатовулл, «Нуруль Иршад» исламрал институтрал преподаватель Аьли-хьажи Сайгидхьусайновулл, Казбековский райондалул имам Казим-хьажи Темирбулатовулл.

Мероприятие дачин дурсса Ахьмад-хьажинал, муфтийнал хьиривчунал цала ихтиллатраву бувсуна хьунасса цайхнал, аьлимчу-динчинал Сайпуллагь-кьади Башларовулл оьрмулияту.

«Исламрал дин марцуну анжагь Дагьусттаннай яхьуну дур» тисса Сайпуллагь-кьади калималий чурчав дурну, Ахьмад-хьажинал кичи лавгуна жува му ишираяту ххарину ва барчаллагьрай биклан аьркиншиву.

Мавлидрай гьаз бувна Мубараксса Кьурьангу, Мубараксса чичруду таржума дан бучи-кьабучишивулл масъалагу, Казбековский райондалул имам Казим-хьажи Темирбулатовулл бувсунни Крачковскийл, Пороховал, Хьусмановулл таржумартту Мубараксса текстирдал куртисса мяьнарду аьч кьадуллалисса ва кув клантту тлайла бакъа таржума бувсса бушиву, Кьурьан таржума буллалинал, Аллагьнал калима дурчин дуллалинал куртисса клулшивуртту диклан аьркиншиву. Ахирданий бавтцириннахь маслихатрайсса вяьза бувккуна ЧиркАйлиннал Саид-апаннинал.

Исламрал дарсру дихьлан багьантИссар

1 « Жула школардай православия-лул дарсруния дихьлан кьахьун-ссар. Дихьларча, дихьлан багьантИссар Ислам!»

Щалва бияятрай ца яла диндалул ххуллийх нанимур региондалун ккаллийсса Дагьусттаннал бакчинал исламрал республикалул хьакьиравугу цаламур пикри буслай кичи лавгунни

агьали исламрал республика хьасул дан клунклу тий бушиву.

«Амма хьунтИссарив исламрал республика хьасул дан Аьрасатнал Федерациялий, яьни светскийсса паччахьлугьрай?» – увкуну бусса бур Мухьлу Аьлиевулл «Ислам в РФ» – сайтрал тлутимунийн бувну.

www.islamrt.ru.

Хьунмизитравусса мавлид

Март зурул 19-нний, яьни Мухьаммад Идавс ̎ увсса кьини Махьлачкьалалив Хьунмур жумья – мизитраву хьунни Дагьусттанал циняв кланттурдая бувкми гьуртту хьусса мавлид. Микку аьрабнал ва дагьусттаннал мазурдий дурккунни мавлидру.

Жумья-мизитрал имамнал хьиривчу Зайнулла-хьажи Атаевулл циняв мубараксса кьинилуштал барчагу бувну, мавлидирттал лях-карах бувсунни

Аллагьнал Илчинал ̎ оьрмулияту, мунал Идавсшивулл бурж биттур баврия. Бувсунни Идавснал оьрмулул яргсса лахзардаягу.

Мавлидрайн бувкминнаву чявусса жагьилтал бия. Нитти-буттахьал цала бусаврийн бувну ми оьрчлаштал мавлидрайн бувкун бия гиччава, оьрчнияцава цала оьрчлан исламрал культура лахьхьин дулланшивулл.

Жул корр.

Исламрал цалчинсса олимпиада

Муслимат БАКАНОВА

Март барз кьуртал хьанакхьисса гьантрай Кьазаннай, Аьрасатнал исламрал университетраву (РИУ) хьуссар щалва Аьрасатнал лагурийсса, исламрал цалчинсса олимпиада. Микку гьурттушинна дурссар Аьрасатнавусса сайки циняв исламрал заведенияр-ттал.

Олимпиадалул кира номинация диркиссар: исламрал дисциплинарду (Кьурьан лахьхьаву, хьадисру лахьхьаву, фикьгьу (исламрал кьанунну), акьида (Аллагь ца ушивулл элму), мазгьабру (Исламрал школарду) ва аьраб мазрал клулшивуртту.

Олимпиада хьадур дурссар РИУ-рал исламрал культуралуцун, элмулуцун ва образованиялуцун кабакьу буллалисса Фондащал уртакьну университетрал 10-шинал юбилейрал хьунийн.

Олимпиадалул жаваб дулайсса секретарь Оймахмат Маликовулл тийкун, олимпиадалул мурад – «исламрал итхьявхьсса студентьтал ялун личин буваву ва мукьахунмайгу миннал дуккаврин кьулайсса шартру дузал дуваву».

РИУ-рал ректор Рафик Мухьаметшинул тийкунни, олимпиадалул мукума «Аьрасатнал бусурманал вузру чацунмай буллалиссар».

Гьаннайсса, олимпиадалул гьанмур мурад бивкиссар хьакьину Аьрасатнаву исламрал клулшивуртту ци даражалий дурив ххал дигьаву.

Аьмну олимпиадалий гьурттушинна дурссар бусурманнал дуккавривл заведенияртаваьсса 28 студентнал, гьарца дуккавривл идаралул кичи-кичи студент тлайла увкиссар олимпиадалийн. Гьурттушинна дунни ца душнилгу. Му бия Лувмур Новгородраясса Галия Махарьямова, «Мухьаммадия» тисса мадрасалуву дуклакисса. Шиккува кичи лаган, аьраб мазрал номинациялуву мунил клилчинмур клану бувгьунни.

Конкурсрал заданияртту дия тестирдан чичрулийну жавабру дулун багьлагьисса. Мукума аьраб мазгьалгалуву ишла баву, Кьурьан буюханну буккаву ххал бигьлагьисса. Преподавательтурал бусаврийн бувну конкурсрал заданияртту дуркун дур лап захьлатисса, кьатлаллил бияятирттал исламрал вузирдал программар-



дайн чул бившуну хьадур дурсса.

Исламрал дисциплинардал номинациялуву цалчинмур клану бувгьун бур Дагьусттаннаясса Ахьмад Гаирбековулл, аьраб мазрал номинациялуву шамилчинмур клану – Мухьаммадрасул Ашиковулл. Хьасил, аьмну командалунмур клану хьисав бувну, цалчинмур клану бувгьуну бур Дагьусттаннал исламрал университетрал ва Теологиялул ва религиоведени-ялул институтрал студентьтурал.

Дагьусттаннал студентьтурал ххувшаврия ххарину Теологиялул ва религиовениялул институтрал ректор Макьсуд Садикьовулл кичи лавгунни аьмсса зачетраву жулами студентьтурал цалчинмур клану бугьаву – му хьуннасса хьхьичуннайшиву, жула муаьллимтурал ххувшаву хьанакхьиву. «Лакьхьин буллалими жула муаьллимталли, мунияту минналгу хьхьичуннайшивур. Жува ккаккан барду дагьусттаннай исламрал элмулул потенциал бушиву, диндалул клулшивурттал центрду Дагьусттан бушиву».

Олимпиада хасну Кьазаннай дувавривл хьакьираву, аьрасатнал лагурийсса исламрал олимпиада Дагьусттаннайгу дуван буюхайссар, Кьазаннай хьукму бувссар му личилчисса шагьурдай дуваван, увкунни М. Садикьовулл.

Мунала бувсунни Кьазаннай хьушиву Аьрасатнал исламрал вузирдал ректортурал Советрал цалчинмур заседаниягу (ректортурал Совет хьасул бувссия 2007 шинал ноябрь зуруй), му заседаниялийгу ххал бивгьушиву исламрал куртисса клулшивуртту дулавриха зузисса вузирдал даву кьулай дувансса ххуллурду ва чаранну.

ХААМС

Хьакьну, мудан
Аллагьнал
кьатлувун
лагайми,
Аллагьнал
инсанталли

Лаккуйгу мавлидру

Мухьаммад Идавс ̎ дуняялийн увксса мубараксса рабиоэль-аввал зуруй Идавс лахьа-хьун уллалисса, мунал оьрмулия бусласисса ихтиллатру буллалисса, вяьзарду-маслихатру бусласисса мавлидру хьунни Лакралми районнайгу.

Ваччийл шяраву

Март зурул зувинний мукунсса мавлид хьунни Кулал райондалийсса Ваччийл шяраву. Му мавлидрай гьуртту хьунни Дагьусттаннал бусурманнал Рувханийсса идаралул вакилтал. Миннавух Махьлачкьаллал вокзалданийсса, цайх Сайпуллагь-кьадинал цанийсса мизитрал имам Сиражуттин Кьурбановгу.

Клундиял шяраву

Лакрал райондалийсса Клундиял шяраву апрель зурул цанний хьунни Дагьусттаннал бусурманнал Рувханийсса идаралул вакилтал ва Лавациял райондалиясса Кьакьамациял шяравасса хьамал гьуртту хьусса мавлид.

Цуссалакрал шяраву

Апрель зурул ряххунний Цуссалакрал райондалийсса Цуссалакрал шяраву хьунни Мухьаммад Идавс ̎ оьрмулул лахзардая бусласисса мавлид. Миккугу гьуртту хьунни Махьлачкьаллал вокзалданийсса Сайпуллагь-кьадинал цанийсса мизитрал имам ва Дагьусттан республикалул бусурманнал Рувханийсса идаралул вакилтал.

Чарадиял районнайгу

Чарадиял райондалийсса Шаллал шяраву апрель зурул мукунний хьунни Мухьаммад Идавс ̎ увсса кьинилун хасьсса мавлид. Микку гьуртту хьунни Чарадиял райондалул имам, Рувханий идаралул ва «Ассалам» кказитрал вакилтал.



ИСЛАМРАЛ ЭЛМУ

Чичинну суфийтурая...

Хюра шин ххишала дур лакку мазрайсса диндалул кказит «Ассалам» итабакълай. Машааллагъ!

Ттининнин жула кказитрал мурад бия чан-чанну тий хъамариртсса буттахъал дин – Ислам дакниин рутансса, цюница Ислам къамул дурминнан, дуллалиминнан Исламрал гъанурду бувчин булансса. Иншааллагъ, вания тихунмайгу шаймур банну Лакрал ххирасса жямат Аллагнал диндалин клунку бан, тлайламуни буцин, тарикъатрая ва суфийтурая бусан.

Цари мий, суфийтал? Лакку мазрай учай ссупитал, жува чичинну элмурдал луттирдай чивчусса куццуй – суфийтал, ягу тасаввуф.

Туну, цари мий суфийтал?

Суфий тисса махъ, цавай тий бур, хьуну бур аьраб мукъуя «Суфат» (ппалул члара, шерстинка). Аллагу Тааьланал хъьичи суфийнан цана цува члалай ур чирисса члара куна. Вайми тий бур: «суфий» тисса махъ хъуссар «сифаъ» (марцшиву) тисса мукъуя, суфийтурал дакругу, махъругу марцисса буну тий. Ялагу тий бур: «Суфийтул суффат» тисса инсанталли – ахла суффат.

Вацадуссадурхъьичива хъьичисса суфийтурал. Миннал дакниивасса марцисса икрам баву чявуминнаща буруччин къашайсса бур. Мий буссар цалчинмур къюкълуву Аллагначласса ххуллий.

Мухаммад Идавсил ﷺ члумал, хъьичисса асхлбтурал члумал, суфитал къабивклун бур, мукунсса махъвагу къабивклун бур, аьркиншивугу къадирклун дур. Тай укунмагу, хлакьну Аллагнайн вихсса, хлакьну Кланаха къуллугъ буллалисса инсантал бивклун бур, ляличину Аллагная нигъа бувьсса, Аллагнал чулинмай зана бивчисса бивклун бур.

Чарав ивклун ур сагъсса Мухаммад ﷺ, гъарца ишираву ганаха лашанмур буллай бивклун бур асхлбтал, куннаяр ку хъьичлун буклай. Асхлбтурайн суфий къаучайсса бивклун бунугу, амма гай бивклун бур биклайкунсса суфийтал.

Элму – жула дусри ва кумагчири, ялгъузну ливчисса члумалгу

Суфий уссар цала шалва оьрму Аллагнахлу бутлай, Кланайн мютийну, Мухаммад Идавсия ﷺ ливчуну махъ, шанна ник бусурмантурал бивчиссар марцисса суфийтал: асхлбтал (Идавсил ﷺ дустал), салафинтал (асхлбтурал хъиририв наними), табиинтал (табиинтурал хъиририв наними). Вай шамагу хъьичива – хъьичисса бусурмантал хъанахъиссар яла марцимий, яла ххуймий бусурмантал.

Мухаммад Идавс ﷺ ивклуну махъ, Ислам хъиннура гужну ппив хъанан диркиссар шаллагу дуняллийх, хлукуматирттал дазурдугу лархъун, инсантурал дакрудивун ва бакравун дурхссар. Амма, члун лаглагиссаксса инсантурал Иман хлур дуклан дирклун дур, буклан бивчиссар инсантал баччан

буллалисса Исламрал ххуллу, хъама битлан бивчиссар Мухаммад Идавсил ﷺ аманат. Хлукуматирттал хъуними хъуслихун багъну, Исламрал элму бачливасса хавардайн клура дарну дур.



Ва укунсса иш члалай, Аллагнал дин дух лагавай дурхха тий, Ислам дуруччин бувккун бур хъунисса Исламрал аьлимтал. Миннан члалан бивклун бур Къуръангу, Суннагу буруччин аьркиншиву.

Мукунсса бусурмантураву хъьичлун бувккун бур Нуруддин Занки ва Салахлуддин Аюб. Вай клягу бивклун бур тасаввуфрал (суфий) инсантал. Мий най бунува тарбия хъуну бивклун бур суфийтураву ва миннай чул бившун бивклун бур. Нуруддин Занки хъунмасса хлурмат байсса бивклун бур тарикъатрал (суфийтурал) шайхтуран. Ганахъ цувххукун, ина мий муксса хъьичлунмай буллай циван ура, куну, ганал чайва тар: «Вайннал ттун рувланийсса кумаг буллай бур. Вайнавусса Исламрал марцшиврул, на гъар мудан ххув хъанай ура».

Исламрал душмантал тий бивклун бур «Кьютисса Аллагнал кудратрал кумаг буллалиссар Нуруддин Занкин». Мьяжаннугу, чансса аьралуннащал, ганал бух байсса бивклун бур хъунисса аьраллу.

Исламрал тарихраву агъамсса клану бувгъусса Салахлуддин Аюблун цачлун дурну дур бусурманнал хлукуматру, душмантураща зевххун бур Байтул – Мукъаддас (Иерусалим). Салахлуддингу хъун хъуну ивклун ур суфийтурал кулпатраву, чливину унува

ганай каялушиву дуллай бивклун бур тарикъатрал усттазтал. Ганал аьралуннаву чявумий бивклун бур цува кунасса мюридтал. Салахлуддиннул мудару маслихат байсса бивклун бур шайхтуращал, зиярат бан лагайсса ивклун ур сагъминначлан ва ливтумий шайхтурачлан. Аллагу Тааьланахъ миннат байсса бивклун бур, гъан бува миннал барачат цанмагу, тий.

Чявуссар тасаввуф дакнихтуну ххирасса аьлимтал, паччахлтал, полководецтал. Миннаву буссар тарикъатрал шайхтал Абу Хасан Шазили, Мухиддин Аьраби ва цаймигу. Миннал цачлун бувссар ливвай ливчисса бусурманнал уммат.

Тарикъатрал усттазнал Сафиюттин Бухарил Исламравун увцуссар Чингизханнул арснал арс Баркатхан, Жамалуттин Бухарил бусурманчув увссар мангулнал хан Туглар Таймур-хан. Мунайхчин мангулнал миллионнайсса аьралуннал къамул дурссар Ислам. Тарихраву буссар, мунинин цуксса хъунмасса зарал биян бувссарив бусурмантуран мангултатарнал, Дагъусттаннайнгума хъяххун бивчиссар. Жамалуттин Бухарил Таймур-ханнайхчин ххассал бувссар бусурман. Муния махъ цама мангулнал хан Амир Жубан мюридну ивчиссар Сафиюттин Алдалий усттазнал. Му багъана хъуну, Амир Жубаннул аьралуннал ва мунай мютиминнал къамул дурссар Ислам.

Оьсманнал империялул цимирагу ттуршрахъулшиннардий цачлундурссар чярумий бусурманнал хлукуматру. Му империялул султану бивтмийгу бивклун бур тасаввуфрал инсантал. Миннал пив бувну бур Аллагнал махъ дуняллийх.

Мухаммад Идавсил ﷺ хладис бур: «Константинопольдания хъунтиссар бусурманнал шагъру. Цукссава ххаллилсса икланава му шагъру лавсма, му шагърулул хъунама хъума, мунал аьралуннал ххаллилшиву». Константинополь лавсун бур машгъурсса полководецнал Мухаммадул Фатихлул. Му ивклун ур мюридну тарикъатрал шайхнал Шамсуддиннул, чярусса шиннардий му ивклун ур дервиш (отшельник) хъуну тасаввуфрал ххуллу бувгъуну, хлакьмуних луглай. Машгъурсса бусурманнал аьлимчув, Шариает дакних клулсса Имам Раббанил барачат бивну Ислам къамул дурну дур Аьрча Тимурдул клану бувгъума чурнак Зайб Мухаммадул (къамул дурсса цла). Тлайсса диндалул ххуллин увккун, Зайб Мухаммадул Индиянал аьрщарай дурну дур хъуннасса Исламрал хлукумат ва 50 шинал мутталай тлайлану зий ивклун ур га хлукуматрал хъунаману.

20шинай гъазаватбуллай, Алжирнал аьрцигу, дингу ххассал дурссар ва Франциянащал талай ивчиссар тасаввуфрал инсан Аьбдулкадир Жазаири. Му цува ивчиссар усттаз, къадирил тарикъатрал.

Цанагу Дагъусттаннай Ислам машгъру хъанай дур цаларгсса шайхтурал барачатрайну, ххаллилсса суфийтурал рувланишиврийну. Субхланаллагъ!

ХААМС

Клулшиву авадавшивунияр хъинсар, авадавшивудуллаан аьркинсар зунна, клулшиврул зува ябантиссару

ИСЛАМ ВА МЯЪРИПАТ

Мукъва душ (хавар)

Мукъра шарсса къуллалийн щин ласун нани ххуллий хавардайн бувккун, куннихъ-ку цила-цилами душаврая буслай бивклун бур. Ми хъанния арх бакъа скамейкалий ца къаригу дигъалаглай шядирклун дирклун дур. Ца шарсса дайдирухъун дур цила душния царду дуллай ганил авурсса, аьнтикласса лаххиялия гъалгъа тий, гамур шарсса царду дуллаан дирклун дур циламур душнил бакрал ххуйшиврия ва аькълу бушиврия, шамилчинмур шарссанилгу цила душнил члунил ххуйшиврия царду дурну дур. Мукълчинмур шарссанил ссих къадурккун дур.

Хъаннил щин ласавривун бувккун бур мукъва душ. Ца – авурсса лаххиялуву, гамур тихава цила ххуйшиву мяш тисса кунма, аькълу бусса луттирдугу канихъну. Шамилчинмур душрив бювчусса члуний балай тий байбихъун бур



верчичлу кунма. Мукълчинмур душ я личину бак-чурххал бювхъусса къабивклун бур, я лаххиялул чюлуну, балгуну къабивклун бур. Душаврал ниттихъул пахрулий цила душаврай тамаша бувну бивклун бур. Душругу къуртлий ниттихъал чларах бувккун лавгун бур. Так мукълчинмур душ гъан хъуну цила ниттичлан, махъми хъаннихъхъунгу ссума-начну ссаламгу буллуну, ниттища щинал бувцусса варакигу лавсуну лавгун бур гихунмай.

Цувххуну бур хъаннилгу къарихъ:

– Жул душаврая вин цумур ххуй бивзур?

Къарилгу жаваб дуллун дур:

– Ттун зул душру къакваккунни. Ттун хисав хъунни анжагъ ца душ - му цила ниттища варакигу лавсун лавгунни.

АБЛИМТАЛ — ДИНЧИТАЛ

Сайпуллагъ-къади — тарикъатрал щайх

1 « Пагъму бусса ванайн буттауссурварал «Къади», учайсса бивкун бур. Мадрасалий итансса оърмулийн иян увасса, мактабалу-ву лахъхьин баймур нуклува клулсса Сайпуллагъ-къади, гъаттахун чатла куна Хусайннухун къювуну ур: «Буттауссурвал халтлилухун лавгний, на шяраву бизар хъанан икларача, вищала Аьрасатнавун уца, къауцирчан — шавату лихъанна, тий. 1869-ру шинал Хусайннул цащала Астраханнайн увцун ур, хъинну къатлун хайр бусса заргалнал сьнат чивину унува лавайсса даражалул усттарлуьграй лахъхьин дансса нанижатрай.

Та ппурттуву яла сий думи халкъ аьраб маз клулсса, исламрал элму дуркусса бухъувкун, аьраб мазрай бакъа дагъусттаннал мадрасарттай ихтилат бан къабучлисса бухъувкун (цакъну лавхъхьуну, ниттил маз кунма курт шаву мурадрай), Рашкъу-къадинашал, Улучурдал Хусайн-хажинашчал, Вихъуллал Вирби-хажинашчал, Кьукуннал Хажин-Муса-хажинашчал, Гъумучиял Хъун Оьмахан-хажинашчал, Ккуркуллал Зайдущал, Ницлавклулал Ирбагъин-хажинашчал Ссугърациял мадраса къуртал бувну, чумул клулшиву ларайсса даражалийн диян дурну ларсъсса Хусайннул арснай, Сайпуллагъ-къадинай, цакъсса дюь дирхуну дур: «Ичлува, мадрасалий куна аьраб мазрай акъа гьалгъа тий маххал шара», — куну. Мунияту хъуви-яв Сайпуллагъ-къадинан аьраб маз хъинну клулшиврушчал, ванал аьраб мазрайсса хатл хакъинусса кьинигу ччинашча жям дурну таржума бан къашайссар.

Сайпуллагъ-къадинал ппу Хусайн, хъуннасса кашиканихъ дунува диндалул аьлим къавхъуну, цакъну захимат бувну канива даву нанисса, авнтликану мусил ва арцул накъичру ярагъунний чичайсса лавайсса даражалул заргал хъуну ур. Сугърациял мадрасалий Хусайн ккалаккисса чумал, ванашчал архлал ккалай уссурвал Аьвдуллагъ ва Гъазалигу бивкун бур. Гъазали оьрмулухун царнил юзбаши хъуну, Юзбашихъая — Бацилавхъул, вайннату — Башларовхъул бувну бур. Аьвдуллагъ тима Сайпуллагъ-къадинал буттауссу хлакин ивкун ур, цувагу Сайпуллагъ-къадинан ва дунияллий яла ххирама инсан ивкун ур. Аьвдуллагълул «ичлуваминнахъ къянкъану баян бувну бур: «Заргал къахъунна, халкъ хъин буллай занан хлакин хъунна» куну, цувагу мугъажир хъуну, яруссаннайн ивзун, цаву дирсса Шамиллул мюридтал хъин буллай Шамиллул къуллуьграй ивкун ур. 13-нна шинаву Сайпуллагъ-къадиналгу кулпатран баян бувну бур: «Заргал къахъунна, Аьвдуллагъ куна хлакин хъунна», — куну. Астраханнай Сайпуллагъ-къадинан элму ва мазру лахълансса гьартасса ххуллу тивтун бур. 14-ра шинаву ванан клулну бивкун бур лакрал, аьрабнал, оьруснал, татарнал мазру. Къуртал бувну 3-шинай татарнал оьшкъулагу, танил хъирив 3-нна шинай Оьруснал оьшкъулагу, Астраханнайсса оьруснал аптекаръ Николайлуца цакъну лархъхъун дур дарурттал элмугу. 1866-ку шинал Дагъусттаннайн зану хъусса Сайпуллагъ-къади Кудаллал Хасан-апаннинал мадрасалий диндалул

Махлammaдлул душ Къурбанова Гулинжан бувссар Ккуллал шяраву. Къуртал бувссар Грозныйливсса университетрал географиялул факультет. Миллатрал бучлантимуний дакцлуцаву дусса Гулинжан ччянива байбивхъуну бур лакрал тарихрайн дагъайсса материаллу датлай.

«Ттун бувчуна агъали бусурман диндалия ябуцаву жунма оьбалану бавцушиву, хлакьсса мяьрипат, иман, инсапгу зану диклантшиву жува анжагъ исламравун клулну шаврийну, — тий бур Гулинжан. — На элмулул ххуллу бувгъукун, ттухъра чярусса кашу цайми элмурдахун багъансса дунура, на лакрал миллатрал хъама итан хлайпсса, асгу, ламусгу, инсаншивугу лахъса даражалийн дирну диркисса, Мухлammaд Идавсил тухундалиясса сайидтурал арс Сайпуллагъ-къадинал оьрмулул, элмулул, инсаншиврул шаттирдаха зий льявкъунна. Вагу Ялувсса Аллагнал ттуйнма гъан бувсса цакъсса ссаламрашчалсса ссайгъатри тиссара».

элму лахълай айивхъун ур. Кудаллал Хасан-апаннинал дарсру турк мазрай дишайсса диркун дур, аьраб мазрашчал турк мазрай бакъа ихтилат буван ихтияр къадулайсса диркун дур. Шикку лавхъхъун бур Сайпуллагъ-къадинан марцину турк мазгу.

Хлакиншиврул гъавас бусса оьрчл Кудаллал Хасан-апаннинал ттаркл хъин дайсса, гъажа бихъайсса, агъиялланин дарман байсса хлакинтура-члах занайи увну, чярусса клулшиву-

них лахъхъайсса. Пахру-ххара къюкъаласса зунттал билаятрай Аллагнал ляличийсса гъунарданул заллуну льявхъусса Сайпуллагъ-къади бучлантисса оьрмулувасса магълул инсан ивкун ур. Цалсса ванал ишругу паргалну цала ххуллий най бивкун бур. Шикку, Ссугърациял мадрасалий ванан парснал ва яруссаннал мазругу марцину лавхъхъун бур. Ссугъуринал мадрасалул библиотекалувусса Лукъманул хлакиннал (Авиценнал) 17-ва лу ца ссихирай кунма бувкун бур.

1875-ку шинал Сайпуллагъ-къадинал къуртал бувну бур Ссугърациял мадраса. Марцину оьрус мазрай буккин-чичин клулсса Сайпуллагъ-къади Гъумучиял Хъун Оьмахан хлажинайхну, Аьбдурахлман хлажинал Гъазигъумучиял оьрус паччахлнал гарнизондалул чичуну (писарьну) зун тлайла увкун ур. Ххуллийн агъаннин ванухъ Ссугъуринал ихтилат бувну бур: Диндалул элму лахъхъаврил чулухату ина утти жул, усттазурал даражалучлан даража бивсса инсанна; элму ва мазру клулшиврул чулуха ттурчан, вил даража жулмунияр цимилгу лахъсса бур. Уссурвалсса лакрал миллат

Аллагнай нанисса яла хъунмур, Аллагнал ялтту къаучлаймур бунагъ инсан ивчлаву духъукун, Аллагнал цланилу цала тлимур тасттикъ бан инсантал литлатисса вагъабийтал — экстремисть-талли.

Щайх Сайпуллагъ-къади

ттун хъинну ххирасса бушиврул савав, мий лапва итхъавхъсса ва за лахъхъин шавкъ дусса бушивур. Ххюра шинал мутталий виягу лавхъхъунни жун цикссагу бучлисса задру. Ттул яруссаннал миллат нахлу шанаву бур, лак, ттурчан дунияллий занай, за лахълай булувкъуну бур. Масалларан, вил ппу Хусайн, цакъну исламрал элму лархъхъусса инсан унува, цакъсса заргал ур, буттауссу Аьвдуллагъ-хлакин ур, чявусса зул миллатирттал халкъуннал дин лахъхъавришчал архлал, хъин-хъинсса сьнатругу лархъхъунни. Му Аллагнал рязийсса ишри. Мунин бувну, иншалагъ, Сайпуллагъ-къади, ина цаппара шиннардива Ницлавкрав вила мадраса титинссар, кликку жува дин-

талли. Щайх Сайпуллагъ-къади ттун хъинну ххирасса бушиврул савав, мий лапва итхъавхъсса ва за лахъхъин шавкъ дусса бушивур. Ххюра шинал мутталий виягу лавхъхъунни жун цикссагу бучлисса задру. Ттул яруссаннал миллат нахлу шанаву бур, лак, ттурчан дунияллий занай, за лахълай булувкъуну бур. Масалларан, вил ппу Хусайн, цакъну исламрал элму лархъхъусса инсан унува, цакъсса заргал ур, буттауссу Аьвдуллагъ-хлакин ур, чявусса зул миллатирттал халкъуннал дин лахъхъавришчал архлал, хъин-хъинсса сьнатругу лархъхъунни. Му Аллагнал рязийсса ишри. Мунин бувну, иншалагъ, Сайпуллагъ-къади, ина цаппара шиннардива Ницлавкрав вила мадраса титинссар, кликку жува дин-

ХАМИС

Зул дянив ухъурча
уссин хайр биян
бан шайма, бан
аьркинссар
цащаву шаймур.

далушчал архлал мюталимуран сьнат-гу лахъхъин дуллантиссару. Мукун бухъувкун, тлайла уклай, на вихъ ца аманат, миннат буллантиссара: цу виява хъурчангу, агана тарикъатрал хъаттирдай, мунил ккаккан бувсса ххуллий тлайлану ачирчан, вин оьрмулуву тлайбацу хъунтиссар, таклуй ва кланай къаавцулуну хъхъичлунай ачу... Цанчирчан, шариаьтрал ххуллул ва элму лахъхъаврил ахир дакъассар.

Аллагнал вин буллулсса лавайсса пагъму-гъунарданул хъунмур бутла-хлакиншиву дуллан бухъувкун, цукунчлав-сса дяввилул къалмакъаллавух, питнардавух хлала-гъурттушинна мадара. Цанчирчан, ци хъунмасса хайр дяввилул иширттавух хлала увххун ина биян буварчангу, хлакиншиву дуллай бувму-нияр хъунмасса къабиклантиссар.

На вихъ ва аманат ттула ва Аллагнал цанияра буллантисса. На хъама итарчанту, Аллагнал хъама маитара», — увкуну бур Аьбдурахлман-хлажинал.

Къабювхъун бур Сайпуллагъ-къадинашча усттаз Аьбдурахлман-хлажинал аманат биттур бан. 1877-ку шинал хъусса дагъусттаннал халкъуннал восстаниялуву гъурттушинна дурну тий, ва 11-шин дулуну Къазаннал губерниялийн Ссивирлив гъан увну ур. Ванухъ ивкиссар оьруснал гарнизондалул хлаписар, следователь цлухлай:

— Ина, оьруснал гарнизондалул зузала, восстаниялул чумал щил чулух уссияв? — тийча, Сайпуллагъ-къадинал суалданихун суал булун бур:

— Ттул кланай уния, ина щил чул бугъантиссия?

Оьруснал хлаписарнал гацана жаваб булун дур:

— На, гъай-гъай, ттула миллатрал чул бугъантиссия...

— Нагу ттула миллатрал чул бувгъуну, Ххутрал, Маркъиял ва Дучиннал жагъилтурай къюкъа сакин дуллай уссияв, амма жул къюкъа щаллу хъуннин, восстания ххит дуккан дурунни..., — увкуну бур Сайпуллагъ-къадинал.

Чявулсса элмучитурал баччи бакъа чивчуну

биклай, Сайпуллагъ-къадинал та восстаниялуву гъурттушинна къадурссар, амма Ссивирлив тлайла увкун ивкиссар, — тий. Къатлайлассар. Шин ва дачинний хъирив лаллай бивкисса оьрус паччахлнал жандарманал, цукунна тахсир бакъана, му бакрайн къавлаву Сайпуллагъ-къади 11-ра шин къуркъуну Ссивирлив тлайла уккайсса? Ялагуман ванайсса тахсир куртл буллай бивкиссар ва оьруснал гарнизондалул зузала ивкшиву. Ванан бувсса хлукмугу «ватандалуйн хаин шаврихун» бивсса бивкун, Ссивирлиягу ва ацния царагу шин там къархъуну мурахас къаувссар, вайминнан амнистиярду — задру бувкний.

» 3

ИСЛАМРАЛ ХХУЛЛУ

АБРАБ МАЗ КЪАКІУЛШИВРИЙ ХІАЙП ТІИЙ ИВКІРА

ХІАЖЛИВ ЛАВГССА ЛАКРАЛ «ЦАЛЧИНССА ЧИТІРИ».

Исламрал рукнурду ххюра дур Миннуну-хаж бавугу. Аллагнайн вихну эбадат дуллалиманал хларачат биклай хажлив гъан. Гъашину хаж буну увкунни Цуссалакрал райондалиятусса Цуссакуллал шяраватусса Базал ва Гулинжаннул арс Базманов Абдурахіман-хажі. Мунал къуртал буну бур Дагъусттаннал политехнический институтрал механикалул факультет, зий ивкун ур Къизилюртлив, Ставрополлай, Чачаннаву. Цанакул каялушиву дуллау ур ООО «Стройтехсервис» тисса предприятиялий. Ва 4 оърчлал ппу ур, кулпат Зумруд, элмурдал кандидат, дарс дихълай бур Дагъусттаннал педуниверситетраву байбихъулул классирттал факультетрай.

Абдурахіман-хажі хаж баврищал барча уван жу хъунабавкъуру ванащал.

– **Абдурахіман-хажий, вил хаж Аллагу Тааьланан къамулсса хъуннав, цулушиву дулуннав.**
– Зугу цулулу баннав, хаж-

ва гъан ччай уссияв, гъашину Аллагнал кабавкъуну мурад бартлавгунни.

– **Абдурахіман-хажий, дунияллул гъарца мур-цурдая идавстурал аьр-**

«Исламрал ххуллх нанима талихІрал къакъаитайссар» хІадис

лийн гъансса тавпикъ цинявн-нахъхун дулуннав. Хажлив, исламрал барачат цинявннайн бияннав.

– **Зул агълулий цакъну диндалухун багъсса агълу хъхичІвагу бивкун булив, вил диндалух лагаву цукун хъуна?**

– Буттал буттауссу Хъун-хажі хажлив лавгссия тІар. Яла личіну диндалул иширттаву хъхичІшу хІала бунхсса цайми бакъар. Нагу цакуну къаувкІра Аллагнайн эбадат-чак буллалаврийн. На Ставрополлая увкІсса чІумал агъали шикку мизит буллау, тикку мизит буллау байбихълай, рувхІанийшиврул ххуллийн буклай чантІа тІий бия, диндалуву ххуймур чІалай бия. Исламрал кІулшивуртту куртІ дуллан икІайхту ттунгу бунчІуна хъунисса аьлимтал, щайхтал Аллагнал калимартту дурчІин дуллау халкъ тІайласса ххуллийх бачин буллау бивкІшиву. БунчІунни элмурдаву хъусса хъхичІуннайшивурттая танийра Къуръандалул аятирттаву бунсун бушиву. Нагу ттула багъу-бизу, тІабиаьт даххана дував, дустуращал ца-ца баву къаритав, Аллагнайнгу иман дирхъуну чак буллан ивра. АлхІамдуллилагъ щукру, на Аллагнайна нгъа бунминнал умматраву уссара. Къаххуйсса иширттаву хІала акъассара. Хажливнгу дукІу-

щарайн бивкІминнал дянив инава Аллагнайн лаизлай дуаьрду дуллалисса хІалатраву вил дакІниву цукунсса асарду хІасул хъуна?

– Шанна нюжмар дурссия на тийх. Ттула уттинин бунтссачала оьрму хъхичІ бавцІуна. Хъунасса Аллагнахъ бйакъу къурукърал зумуну бунтмур оьрмулул ялтту учІу тІий миннатрай ивкІра. Хъинну хІайп тІий ивкІра ттунма аьраб маз къакІулшиврийгу. Чивинийва лахълан айивхъуссания бигъану бикІантІиссия, утти аьраб маз лахълан захІматну бур.

Маккалив чІявусса негртал бушивугу асар хъанай бия. Дунияллийцири чантІ увкусса негртал ислам къамул дуллау бур, негртал бакъа цаймигу ислам бюхттулсса динни тІий, мунил хъирив най бур, жула лакрив уттигу исламрая архнува бур.

– **Вин хажлив лагайхту ххишалану къурчІи бизлай булив лакрал исламрал дин Дагъусттаннай цалчин къамулгу дурну массула къаритаву?**

– Хажлив гъаннинагу, мундангу къурчІи бизлан бикІайва лакдиндалул ххуллия ябуцаву. Лакку билаятрал бивкІссар бюхттулсса замана, бивкІссар замана лакрал хъуншагъру Гъази-Гъумучи, Ккавказнаву бакъассагу, цинявгу бусур-



Абдурахіман-хажі

ман миллатирттал дяниву ца яла хъхичІунмур элмулул ва диндалул центрну бивкІсса. Лакрал аьлимтурал чивчуссар бусурман билаятирттай сийлийсса аьраб мазрайсса диндалул луттирду. Уттирив лак цивппа кІукунсса инсантурал наслу бушиврул цІа – къини къадуручІай, исламрал ххуллия ябувцун бур. Гъашину Дагъусттанная хаж бунсса 15 азара инсантураву ца 70-80 ухъунссия лакрал миллатрая. Шиккува бусан, ми 70-80 лакраву жу, шама сурахаьу бунссияв.

– **Зул тухумрал къяртта Исламравун кІункІу хъуну дур. Буси сурахаьврал царду, ми ци давурттай зий бур?**

– Сиражуттин Каммаев

бур, Аллагнал ка бакъирча. Исламрал ххуллийх наними жула тухумраву цаймигу бушиву мяйжан бунан бусан, Мямма Цуссакуллул мизит буллау уссар, куяв КъурбайтІаев Къурбанмамад – Новострайраймур Цуссакуллул. Навагу минна-цун кабакълай ура. Нава каялушиву дуллалисса идаралийгу бувавай ура чак бай къатта. Жул базалий личіну чІявусса инсантал зий бакъар, буминнан, чак бан ччинан бикІанссар.

– **Ца суал ахирданийгу, аьркинссарив школардай диндалул дарсру?**

– Агана ми дахкъачинсса духъурча, аьркинссар. ОьрчІавун оьрчІнийва дин лахъхъаврихсса гъира бутан-

КІулшиву авадавшивунияр хъинссар, авадавши-ву ядуллан аьркинссар зунна, кІулшиврул зува ябантІиссару (хІадис)

собесрайзийур, МахІаммадова Анжела Къизилюртлив – пенсионный фондрай. Шиккува кІицІ лаган, уттинин жул шярва, Цуссакуллату хажлив лавгсса хъуну акъар.

– **Зу дурсса хъиндайди-хъу щала щарнил жяматрангу, миллатрангу бара-чатрансса хъуннав. Вила шаппами, уссурсу ххари хъухъунссар хаж баврия, ичІуваминнал, оьрчІал диндалухсса бургаву цукунсса дур?**

– Арийлчинмур классраву дуклакисса оьрчІ цува динчаклихун агъунни, на мунахъ цалагу чак буллалу къаучав. Хъунама уссу Мяммагу, мунал арс Тимургу (Иншааллагъ!) ялунчІил хажлив гъан ччай

шиврул. Ттун, масалдаран, дуну ччива. Аьраб мазгу лахъланссия оьрчІру, чІявусса мазру лахъхъаву – мундангу хъхичІуншивур, диндалул гъанурдаягу хавар бикІанссия миннан. Жула хъунмур бурж – жула оьрчІру тІайласса ххуллу ттун льявкъунни так исламраву.

Ихтилат бунссар Патимат РАМАЗАНОВАЛ



ХААИС

ТІайламур бунсасияра, хІатта му инсантуран тІааьн къабизансса ва къурчІи бизансса бухъурчагу.

СалахІуддин Аюбил ххачпараснащалсса дъявирдаву ларсъсса ххувшавуртту

СалахІуддин аль-Аюбил (Саладин) ппив-ххив буну гъан бунссар ххачпарас 583-кусса шинал (хІижра) (1187 ку шинал Иса увния махъ) хаттиннал чІарав, Байтул Мукъаддасгу зана бунссар бусурманахъхъун. Му бакъасса зана дурссар цайми-цаймигу аьрщив ххачпараснал канихъхъун ларгун диркІсса.

584-кусса шинал яла Аллагнан ххирамур Рамазан зуруй, ххишала дакъа оьссагу, оьккиссагу гъавалул тагъар диркІун духъурчагу, СалахІуддин аль-Аюбил, хъинну чІярусса, бюхттулсса ххувшавуртту ларсъссар. Ххачпараснаща ххассал



бунссар Натар Тус, Гибла, Аль-Лязики, Сайхун, Бакас, Аль-Тагир, Баалабак, Гутах, Карак, Ас-сур, цайми цайми аьрщивгу. Щалва ганал оьрму лавгссар Аллагнал цІаний, Аллагнал тІимур бакІрайн буккан буллау, бусурманнал дингу, аьрщигу дакІнихтуну дуручІай, ххачпараснащал талай.

Ххирасса Рамазан зуруй-гума цалла талатаву ца хъис хІаллайссарагу дацІан къадайсса диркІун дур.

ДацІандатІнахъгуучайса бивкІун бур: «Инсаннал оьрму бутаврил дуллусса чІун хъинну кутлассар, бивкІугу бучІайссар кІулвагу бакъа. ЧапхунчитурачІа бусурманнал аьрци къаритаву ца къиниссагума – ттуца духІан къашайсса, ххуй дакъасса тІулли».

Таржума бунссар ТтурчІиял ХІасан-ХІусайннул

ЖИЖАРА

Аьпа баннав



«Ассалам» редакциялул ва буккултрал цанияту хъуннасса кьумашивугу кидачлай, дакI аьратталсса жижара буллай буру **ХIажи Абашилволул** ва **Илияс Шурпаевлул** агьлу-авладирттаха, чил аскисса кару сававну ми жуятува батлул шаврийн бувну.

Хишсала бакъа куртну кьувтунни, бювхунни жунгу жула ххаллисса чиваркI, гьунар

бусса журналисттал, хIакъсса бусурмантал оьрмурдарцIва буваву.

Жувайсса буржри уку-укун аскисса ишру жула оьрмулуву тикрал хъанан къабитаврил цанийсса талатаву ягин дан.

КIинналагу бунагьирттал аьпа баннав, рухIру рахIатний дишиннав.

Редакция

Лакрал тарихгу, дингу



Гьумуксса Хьунмизит

VIII ттуршукулуву Дагьусттаннайн аьраб бувкIсса чIумал, миннал Дагьусттаннал хъуними чувчIав бацIан къабувну бур, Гьумук бакъасса. КIичча байбивхуну бур бусурман дин цIакь дуллайгу. 777 шинал Гьумук бувну бур Чурлив кунмасса Хьунмизитгу. Гьумучигу, Гьази-Гьумучи (гьази-диндалул цаний талатими) куну, бюхттул бувну бур. ХIатта Чурулгума ГьумучиячIа лагь бувну чIалай бур. Чуруллайн Баб-ал-Абваб куну бур, Гьумучияйн тIурча Бабул-Баб-Кьапурдалгу къапукуну, му хъун бувну бур.



ХьхичIавасса хъунисса аьлитурал барашиндарайн бувну, Гьухьаливсса 4 мизит бакъагу, Гьумук бивкIун бур 14 мизит. Цинявпагу бусурман билаятирттайсса мизитирттаву ца яла хьхичIавамур хъанакъиссар Гьумучиял Хьун-Мизит (КьатIлил мизит).

– Бучиссарив оьрус мазрай дуьрду дуллан?

– Оьрус мазрай бикIу, цамур мазрай бикIу дуьрду дуллангу, ккалангу бучиссар, циван чирча инсаннахь ихтияр дуссар ччимур мазрай лаизлан, чIатIун Ялувманнахь.

– Выкидыш ххюзурух ивкIусса оьрчI арча, му уччиннин мунан цIа дулун аьркинссарив ва хьунабакьинтIиссарив нину-ппута дуняллий цала чIивитIуцал?

– ЦIа дирзун хъинссар. Ца кьини АьбдурахIман бин Язид бин Муабиял увкуну бур: «Кьиямасса кьини буттал махь авцIусса выкидыш гьуа тIунтIиссар: «Ина на цIа дакъана ивтунна!» – тIий. Му чIумал Умар бин Аьбдулаьзизлул куну бур: «Выкидыш оьрчIрив, душрив къакIулсса чIумал цир бантIисса?» Мунихунгу АьбдурахIманлул куну бур, мукумур чIумал хъаннингу, чиваркIуннангу дизан бучисса цIарду, масалдаран, ТIалхIат, ХIамзат, Утбат дизайссар куну.

– Ца жагьил ттуятува арх уцаншиврул ттул гьалмагьай уссар куну Аллагьнайн хьа бувссия. На щялмахь бувссия, утти му бунагь шюшиншиврул ци бан аьркинссар на. Зума дугьан аьркинссар тIий бавни.

– Щялуну хьа бувсса инсаннай каффаратран (каффарат бунагьру лиххан байсса аьчIари) ацIа мискиннан дукра дулун ягу ацIа мискиннан жула заманнай лаххайсса янна (гьухьа, хIажакру) дан аьчIа дирхуну дур. Мукумсса каша дакъахьурчарив шамма гьантIийсса зума дугьан аьркинссар, кунил хьирив ку шанна кьини дугьангу бурж бакъа-ссар.

– ЦукунчIавсса саварттая кумаг бакъаний ласнан бахIу бан бучиссарив?

– БахIугу, муниха лавхьхьусса ишру буллалавугу бунагьссар, мукумсса иширттайн шариаьтрал цIакьсса кьадагьа дуллаллиссар.

– ХIатталлил лагма чапар дунурагу гьаттал лагмагу муххал чапарду дуллай бур. Му тIайлассарив?

– ХIатталлив чапар духьур-

ча гьаттал лагма чапар дуллансса аьркиншинна дакъа-ссар.



– ИвкIума иссаврихлу багьа булун бучиссарив? Му ишираву багьа буллуманай ягу лавманнай бунагь буссарив?

– Бучиссар арцу дулунгу, ласунгу, микку цукунчIавсса бунагь бакъа-ссар.

– Мавлид мизитраву дурккун хъинссаривкьай шарда? Циксса инсантал гьуртту хъун аьркинссар мавлидрай?

– Хьуни байраннан хасну дуллаллисса ва жяматрал гьурттуну дуллаллисса мавлидру мизитраву дурну хъинссар, мивун чIявусса инсантал лагайнутIий.

Кулпатраву хьусса ишира-цIун (хьатIи, оьрчI баву) дархIумур мавлид шарда дурну

СУАЛ – ЖАБАБ

хъинссар. Мавлидрай вайксса-тайксса инсантал гьуртту хъун аьркинссар кунугу кка-ккан бувну бакъа-ссар.

– Бучиссарив мобильный телефондалийн лахъан дан Кьурьандалувасса аятру ва Аллагьнал цIарду. Бучиссарив ми мобильникрал экранналий, фоновый рисунокрал кIанттай дишин?

– Бучиссар. Аммарив Аллагьнал цIарду дикIу, Кьурьандалул аятру дикIу фоновый рисунокрал кIанттай дирхуну къахъинссар, телефондалул заллу хIажатхантту-вунгу телефондалуцал уххан багьса кIантту шайнутIий. ЦIурда телефонгу лялату яларайну дирхьусса бикIай. Му бакъа-ссагу, зарядкалий дишайний телефон щявгу дихьин багьай.

– Ташу бан цумурди яла кьулаймур кьини?

– Нюжмар кьини бувну хъинссар ташу. Яла даркьумур кьини Шавваль зурул цIачинмур нюжмар кьини хъанакъиссар. ХьатIул кьини дакъар шикку хIисавравун ласласисса, магьар бишай кьинир. Яьни магьар бивхуну хъинссар ялув кIицI лавгсса гьантрай.

Рузнама

май

дни	утрен.	восх.	обед-ный.	посл. обед.	вечер.	ночн.
1	3.47	5.40	13.00	16.39	19.52	21.31
2	3.45	5.39	13.00	16.40	19.53	21.32
4	3.43	5.36	13.00	16.41	19.55	21.35
6	3.40	5.34	13.00	16.41	19.57	21.38
8	3.35	5.30	13.00	16.42	19.58	21.41
10	3.31	5.27	13.00	16.42	20.01	21.44
12	3.27	5.27	13.00	16.43	20.04	21.47
14	3.24	5.25	13.00	16.43	20.06	21.50
16	3.20	5.23	13.00	16.44	20.08	21.53
18	3.16	5.21	13.00	16.45	20.10	21.57
20	3.12	5.19	13.00	16.45	20.12	22.00
22	3.10	5.17	13.00	16.46	20.15	22.05
24	3.08	5.16	13.00	16.47	20.16	22.08
26	3.05	5.14	13.00	16.47	20.18	22.11
28	2.59	5.12	13.00	16.47	20.20	22.13

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ заместитель муфтия РД Махди-хаджи МУТАИЛОВ

Редактор

Самрат ГОРЧАНОВА

Канонический редактор Сиражуддин КУРБАНОВ

Корреспондент

Гумаюн КАЛЛАЕВА Сафия БАКРИЕВА

Корректор

Патимат АХМАДХАНОВА

Менеджер

Мухаммад ХИРИЯСУЛАЕВ

Компьютерная группа

Асият ХАНОВА Ахмед МАГОМЕДОВ Гульнара АБДУЛАЕВА

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону).

Свидетельство о регистрации ПИ № ФС 10-6401 от 15 декабря 2006 г.

Индекс 51390

При перепечатке ссылка обязательна. Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.

Заказ № _____

Сдано в печать 14 апреля 2008 г. Тираж 1250 экз.

Адрес редакции

367015, РД, г. Махачкала, пр-т М. Ярагского, 128.

Тел.: (8722) 61-00-64.

По вопросам подписки и доставки обращаться по телефонам: по Республике Дагестан — 8-988-699-28-24 по г. Махачкале — (8722) 914-222.

E-mail: info@assalam.ru; www.assalam.ru